

Nieuwsbrief mei 2022 Kerkje Ellesiek – Zeeuwse versie



Zaterdag 7 en 21 mei 13.30 tot 16.00 uren Open mirreg voe de tentoanstelling van de outsnieclub Kapelle

A 46 jaèr is de outsnieclub van Kapelle bezig. Deze enthousiaste mènsen komme saemen in de Vroone om de kunst van het snieën van 't out te beoefenen.

Verschillende technieken passe ze toe, zo as onder meêr kerfsniewerk en reliëfwerk.

Prachtige paèreltjes bin 't gevolg.

Dineffen worre paèremessen 'esneë. Het heft van deze ouwe Zeêuwse messen is 'emikt uut ard palmout. An de versiering was de sociale stand van den eigenaèr of te lezen. De bekroanieng van 't heft wor sins 1860 'evurmd deur de ofbeeldieng van 'n paèrd. Vandì deze naem.

Ongeveer 50 mènsen ouwe d'r eigen nog bezig mie 't snieën van deze messen.



Zaterdag 14 mei 14.30 uren Boekpresentatie: Meschien wè

Ei je a 's een verhaaltje 'ehore over d'n eek'oor en z'n kammeraad de miero? Die bin op'eschreve deur Toon Tellegen in 'n groot boek mie de titel 'Misschien wisten zij alles.' Negentiene van die verhaaltjes ei Corry Verburg in 't Zeêuws vertaald en Jopie Minnaard ei dî

têkeniengen bie 'emikt. Dat is 'n kleurig boek 'eworre. **Meschien wè** eêt et. Me presentere 't op zitterdag 14 meie in 't Kerkje, 's mirregs om 14.30 ure. Je krieg 'n paèr van de leukste verhaaltjes t'oren.

Duo Lott, da bin Lotte Gommers (zang) en Jacco Minnaard (piano/gitaar), za voe meziek zurge bie die verhaaltjes. Ze ziene ook een paèr bekende vèsjes.

't Za 'n eële leuke middag worre. Toon Tellegen en z'n vrouwe zulle zelf ok komme. Je kan die middag 't boekje kôpe in 't Kerkje en dat kan laeter ook bie 't Kerkje en in de boek'andel.

A je d'r bie wil weze, opgeve bie reservering@kerkje-ellesdiek.nl
0113 – 612 681 (Annie Men'eêre)

Zondag 15 meie 14.30 uren Oecumenische bieêenkomst

Op dezen derde zondag van de maend meie wor in 't Kerkje 'n bieêenkomst 'ehouwe in 'n Zeêuwse streektaal. Ok de liederen voe deze mirreg worre in 't Zeêuws vertaald en 'ezonge. De overdienkieng wor dze keêr verzurgd deur Bas Rentmeester uut Elshout.

'T thema voe de bieêenkomst is 'Ael de rugesoat d'r es over'.

Ronald de Leeuw za de bieêenkomst op z'n gitaar muzikaal omlieste.

De toegang is voe niks.

D'r za 'ecollecteerd worre voe de Stichting Amecet van Els van Teijlingen in Oeganda en voe de onkosten van 't Kerkje.



Zummertentoanstellung mie werk van Piet en Mandy Grim

Van 1 juni toet 13 juli (elke weusdag en zitterdag)
Fototentoanstellung van aol 't moais uut de buurte.

Graag tot ziens!

Hartelijke groeten van
't bestuur en vrijwilligers van 't Kerkje